

四庫全書

史部

# 欽定四庫全書

史部

萬壽盛典初集卷六十八至七十

詳校官宗人府府丞<sub>臣</sub>實光鼎

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官學正<sub>臣</sub>李巖

謄錄監生<sub>臣</sub>任嘉春

欽定四庫全書

萬壽盛典初集卷六十八

歌頌八  
南書房諸臣

萬壽無疆詩  
有總序

日講官起居注翰林院侍講學士  
臣勵廷儀

日講官起居注翰林院侍講  
臣蔣廷錫

日講官起居注司經局洗馬掌書事翰林院修撰  
臣張廷玉

左春坊左中允兼翰林院編修  
臣陳邦彥

日講官起居注翰林院修撰臣趙熊詔

翰林院庶吉士臣王圖炳

臣聞膺圖受籙大德有祿壽之符介祉凝祥至  
聖著久長之效詩稱嘉樂命自天申書紀休徵  
福由皇建華封獻三多之祝豳土進七月之觥  
卷阿矢詠於鳳鳴江漢揚休於虎拜雖如天幬  
覆莫罄形容而率土謳吟聊伸颺頌欽惟

皇上

執中表正

得一居貞

心傳溯無極之先

治行合太和之本

初登寶厯即以民胞物與為心

廣運旋樞遂臻久道化成之業朝咨夕儆勤宵旰於

五十二年北燮南諧奏昇平於千八百國茲當

三月中旬恭遇

六旬萬壽歷周花甲時際陽春柳拂桃迎擁千官之劍  
珮霞明風暖集萬里之共球番髮麗眉扶鳩筇  
而拜

闕山農澤賈頌燕喜以呼嵩含生稟氣之倫無遠弗  
届出日無雷之域不召而來壤擊衢歌鈞天竝  
奏仙音佛號匝地同聲臣等職在文章分宜揚  
扈身依

禁近誼得賡歌竊見乾行不息

皇上體之以自強坤合無疆

皇上法之以厚載固天亶之獨異尤

聖學之加崇探精一於唐虞啓苞符於河洛圜丘仰荅  
誠格而

上帝居歆淮浦遙臨

遙臨

時邁而川靈效順規模宏遠遵

祖憲以貽謀寢膳周詳永

孝思而錫類祀先農於泰時朱火升中進田畯於春疇

青旗行野寬文解網人樂堯天復賦蠲租民安

禹甸

恩覃一十五省

德垂千萬億年底定三方鯨鯢盡掃會同重譯雞鹿咸

庭

志在安綏故有征而無戰師行仁義故近悅而遠來

握成算於帷幄之中播

神威於寰宇之內止戈為武壽考作人璧水芹宮勒千



秋之

寶訓桂林杏苑開

萬壽之恩科振鷺充庭羅米逸鳳霧魚騰水搜及雕蟲  
凡茲多士之造德成材悉由

聖主之尊經稽古曲阜修九拜之禮朱子躋十哲之班  
振玉挺金直接尼山統緒參天兩地深探義畫  
淵源理得而數兼該乘除參九九之秘氣和而  
聲始達律呂調六六之元既

德性之內充自英華之外煥典謨渾噩與雲漢昭回詩  
易奇葩竝日星輝映龍騫鳳翥備八法於鍾王  
露潤珠圓得三昧於虞褚

勅幾稍暇肆力五車

巡幸偶閒遊心四庫雕鐫琬琰禹山金碧之藏勘校蟲  
魚蓬闕琳琅之府淵深

帝學莫殫名言洵乃武而乃文亦可大而可久

皇上雖虛懷若谷而謙尊彌光蒼穹之景命方新黎庶

之歌謠倍切臣等身值昌期生逢壽世光輝南  
極中天之

甲子初周環拱北辰元會之千支復始重城不夜燭照  
無邊四海皆春太平有象敬承

五夜維祺之願共抒

萬年祝嘏之心

春秋遠過八千復紀天皇之歲

歷數比隆三五重開軒后之圖竊效風人載賡周雅

各成七律六章拜手稽首以

獻

日講官起居注翰林院侍講學士臣勵廷儀

祥開

聖節慶昌辰巷舞衢歌率土滄運紀上元方復始年周  
甲子又重新太平有象人多壽

大造無私物自春德教覃敷宏錫類由來至治在尊

親其一

南極常同北極光珠聯璧合燦雲章

天心祇若羲文著

祖訓凝承

帝道昌仁壽億齡開景運韶華三月正當陽維皇定叶

蒸民願永錫繁禧

主萬方其二

天南漠北振琫戈六合俱安保太和格被總由

堯德峻平成共識

全史卷之八  
禹功多時豐更免三年稅化洽重開

萬壽科曠典古今真極盛詞臣書頌細編摩其三

文修武偃洽神功

聖治光昌本

聖躬履盛鳴謙辭

顯號居豐示儉喜卑宮

萬幾總攝精神裡八表都歸度量中久道化成臻上理

時勤宵旰仰

宸衷其四

芹獻葵誠徧九垓梯航迢遞到蓬萊爭傳鶴髮  
呼嵩侶許覲

龍顏進壽杯人慶三多歸

帝德戶增萬億樂春臺共言四海昇平福都自

堯咨舜啟來其五

垂恩錫嘏慶成時斂福

皇躬百事宜嘉穀瑞徵三秀草芳蘭叢繞萬年枝無疆

聖壽便蕃頌有喜

天顏遠近知  
孰罄涓埃裨  
海嶽轉因華祝溥

鴻慈其六

日講官起居注翰林院侍講臣蔣廷錫

卿雲五色護

皇居花下千官頌  
九如南斗正中三  
月節海籌方攬一

巡初瑤池紫氣浮  
松牖金闕祥光接  
玉除蕩蕩

無名難載筆  
勲華二典紀  
虞書其一



聖文聖武貫三才宇宙中間

德澤該日月星辰隨律轉東西南朔驗風來九州全賦

周輪免兩榜恩科次第開天錫太平

仁壽主歡呼歲歲頌臺萊

其二

天縱猶勤翫韋編健行

聖德日乾乾

心通律呂陰陽內道契圖書象數先周禮三千條實政

虞廷十六字真傳庶民敷錫歸皇極鑿井耕田

樂萬年 其三

至治神功古莫如應從泰岱勒璫璵玉函不受登封頌  
金鏡常繙治世書有識羣生皆踴躍無私大造  
本謙虛試聽五嶽齊呼處蒼翠山光望

屬車 其四

膏澤涵濡八表同百年樂育太和中鸞書宣布  
開黃道鳩杖扶攜拜

紫宮入昴遊河呈洛瑞躋堂稱兕繼幽風一人一歲增

君壽萬老春秋集

聖躬其五

小臣  
濫直近

楓宸蠡管粗能仰

帝鈞敬止功夫隨處見光明德業與時新  
姚虛虹繞年  
當甲華渚星輝月值辰拜手幸隨鵷鷺後遙瞻

蓬閣祝松椿其六

日講官起居注司經局洗馬掌局事兼翰林院修撰臣張廷玉

欣逢

聖節共呼嵩瑞靄青陽淑景融六合梯航重譯貢兩階

千羽萬年功

乾行不息天同健泰運方隆日正中咸仰

垂衣臻上理四時洋溢太和風其一

化成久道治功深

帝德巍巍冠古今海晏河清

天子澤宵衣旰食

聖人心好生頻見恢湯網解愠時聽鼓舜琴屏謝虛文  
崇實政謙光中外仰

宸襟其二

睿慮周詳徧八區恩膏何地不需濡已看荒徼皆登穀  
更喜豐年屢賜租域外山川歸禹服田間耕鑿  
盡堯衢諸蕃絡繹

彤墀下王會圖成自古無其三

聖學淵微達性天猶勤探索向芸編圖書道闡千秋上

象數心通一畫前至治雍熙金石播鴻章璀璨  
日星懸廷臣拜手賡

仙藻盡是箕疇錫福篇

其四

華渚流虹瑞應開  
星明南極亘昭回  
絳霄歌吹千門曉  
白叟歡呼萬里來  
湛露無邊滋草木  
卿雲有象繞蓬萊  
羣生共荷

君王賜仁壽  
休風徧九垓  
其二

薄海車書奉

紫宸衢歌巷舞慶昌辰普天共樂舒長日大地都成浩  
蕩春

帝壽萬齡周甲始韶華三月逐年新

微臣

珥筆霑

恩渥願效華封祝

聖人其六

左春坊左中允兼翰林院編修臣陳邦彥

閭闔晨趨拜舞同昇平嘉慶記流虹天開

寶歷義軒上人在春臺位育中冀吐堯階迎瑞日籌

添海屋祝

喬松萬方共慰稱觥願近覩祥雲一朵紅

其一

重巽溫綸取次宣茅簷蔀屋總熙然體元

聖化三光應圖治

宸衷五夜傳浩蕩恩波淪大地舒長化日樂中天歌衢

擊壤喧童叟漫說陶唐癸巳年

其二

欣從歌叙慶功成甲子重開樂太平景福多隨

仙籙永歲星遥拱



帝垣明陳詩拜表千官頌就日瞻雲九土情誰識

大君宵旰意本來乾健協天行 其三

金爵觚稜曉露溥日華浮動五雲端花陰轉午  
彤墀麗麥浪搖春繡壤寬譜叶虞絃宣玉軫圖  
成禹會寫冰紈八方共樂

皇猷遠雁塞鯨波久奠安 其四

西山翠色儼蓬萊豫順真同出地雷澤物瀛波  
通灌注作人雲漢仰昭回蟠桃初結三春實仙

醞同斟

萬歲杯數鳳郊麟骨應瑞華萼隨處沐

恩哉

其五

露濡雨潤普

皇慈天上恩波動植知社鼓村觴人盡壽萬呼華祝慶  
相隨翻階翠草金芝長捧日彤雲玉葉垂累世  
滋培難報稱抽毫先誦九如詩

其六

日講官起居注翰林院修撰臣趙熊詔

雲開閭闔日中天臣庶高呼

玉陛前三月三春方履泰六旬六甲正乘乾軒皇歷  
算周初度夏后書疇錫大年盛事直超千代史  
拜颺敢進九如篇 其一

天經地義蘊

皇衷六十年来孺慕同

手定鴻圖兼創守

心承家法每謙冲

三朝謨烈光千載萬國尊親奉

兩宮大孝德隆膺上壽虞琴長是播薰風 其二

五紀垂衣化日長太和元氣本無疆蠲租分歲

周星野解網回春滿棘廊天自好生

君合德

帝惟仁壽厯增祥龐眉白叟霑恩久傳語雲孫戴

聖皇 其三

至治光華與日新健行不息體天真勅幾陶鑄唐虞典

游藝窮探河洛津肝食宵衣時儆惕

龍顏鳳表倍精神由來壽考惟無逸喜卜吾

皇億萬春其四

物阜民豐久化成

深宮保泰更持盈尚衣浣濯頻供御玉食珍奇盡却

呈祇為

聖心常惜福可知儉德是長生海籌添值歸餘歲餘慶

年年介壽觥其五

昇平典禮煥丹青

手詔重頒戒百僚愛

日但將忠孝盡祈天惟在雨暘調

君王不貴陳諛頌草野何能祝

聖朝聽取同聲呼

萬歲微臣珥筆採衢謠其六

翰林院庶吉士臣王圖炳

華甲星周祝

聖君彤庭

玉座氤氲西池算永添雙莢南極祥開匝五雲疇紀

洛書尊

禹錫壤歌衢野戴

堯勲三春上壽觥觥洽霽作陽和萬象欣其一

盱食宵衣

講幄開羲文精與闡蘭臺乾坤動靜涵

心學元會網維揭

睿才藻火文章騰碧漢松雲戶牖儼蓬萊

聖人自有長生訣金鑑千秋介玉杯

其二

垂裳端拱仰揮絃瑞玉真應泰岱鑄朝野請求章屢上

### 廟堂謙讓

詔頻宣三才治法參天地二典勲華足信傳

峻德崇功書不盡賡揚拜手萬斯年

其三

慶善宮中七德陳萬方送喜萃昌辰層城錦繡

鋪瑤席重譯梯航貢瑞珍百福貞恒歸



黼宸億齡仁壽育蒸民卷阿齊進昇平頌梧蔭深霑侍  
從臣其四

六十年來

亿澤濡華胥風俗極歡娛士邀

特典重升俊民被

洪恩盡賜祖海表山川開壽域寰中日月照仙都誠孚

蒼昊方儲祉天姥來庭早授圖其五

濫隨芸局捧龍編筆紀流虹貫昴年揆覽

欽定四庫全書

萬壽盛典初集  
卷六十八

十六

九重星拱極乾行

五位日中天薄材總荷洪爐鑄

寶籙綿垂象鼎傳欲罄葵忱歌在藻宮花歲歲傍瓊筵

其六

萬壽盛典初集卷六十八

欽定四庫全書

萬壽盛典初集卷六十九

歌頌九 詞臣一

萬壽無疆詩

七言律十二首  
有序

內閣侍讀學士 臣徐元夢

臣聞書衍洛疇福歸皇極詩陳天保頌起臣隣  
蓋有大德必壽之徵積爲百祿罄宜之應欽惟

皇上

欽定四庫全書

萬壽盛典初集

卷六十九

濬哲挺生

中和建極

經文緯武稟由卓絕之神姿

蹈義履仁覃自緝熙之懋學敬

天以凝庥命常勤監觀欽若之思法

祖而凜憲章益表揚烈覲光之美

慈闈豫順竭孝養於承歡家範肅雖衍貽謀於翼訓誕綿

昌祚永奠丕圖

官府協衷首一心之正要荒在宥洪濶萬里之遙  
凡用人體下之誠及養士恤民之政精明渾厚  
睿思總協於寬仁易直和平

至德要歸於惇大蔚爲文治輝雲漢而炳日星赫作武  
功迅風雷而寧海宇遠達四聰於無外精研萬  
象而弗遺而猶

做切宵衣

咨勤日御

巡方省俗罷陳封禪之書

恭己寧神屏上尊崇之號  
肫肫乎至誠不息秩秩乎  
第祿無疆是以日角珠庭常潤

天容如壯歲龍行虎步彌增

乾健於耆齡茲當春暉九十之辰正屆

聖壽六旬之慶億萬年之寶英日月常新八千歲之榮

椿春秋永茂海晏河清之象共樂雍熙麟遊鳳

舞之祥皆供符瑞歡呼徧傳於率土欣躍更極

於含生

臣

元夢一介非才三冬寡殖謬廁員於

禁近忝伴讀於

天潢問學薰陶久荷

生成之德身名拔擢全叨

臨照之恩恭遇

鴻庥永深忭禱東華陪仗企賡泮奭之音南極瞻星敬

附升恒之祝恭進

萬壽無疆詩一十二章自媿辭指蕪淺不足攄寫

高深仰瀆

宸聰曷勝心悚

萬年歷數屬吾

皇道德巍巍冠百王仁義根心恒迭見圖書過目不曾忘

神功直與河山遠

聖澤方同歲月長天保祇今何待祝從來悠久定無疆

其一



生安不廢

聖人功典學時開

講幄崇道統遙將羲孔接心源渾與性天通羣言叅

錯惟歸一庶物糾紛每析衷共喜中和長建極

萬邦黎獻荷帡幪

其二

早從堯典得真傳欽若惟知事

昊天非但夙齋無戲豫有時遊衍亦精虔穹窿不隔明禋  
外顯赫如臨對越前祇爲流通成一體人神協

應自年年 其三

三朝謨烈是鴻規實錄分明家有師欲擴前功還遠望每  
拈遺訓輒精思即今燕翼貽謀日猶似艱難創  
業時定使

在天無一憾乾乾從此到期頤 其四

寧壽朝朝瑞靄浮承歡左右意常周春遊勸駐花間輦夏  
宴扶登池上樓膝繞蘭蓀供綵戲盤堆山海極  
珍羞從知

聖孝綿昌運風化而今已四流

其五

方畧編成燦若陳幾經整旅靖風塵蕩平共凜

天威赫指授全憑

廟算神玉帳頻臨非黷武金戈一到倏成春蚩尤相繼

消除盡永觀軒皇宇宙新

其六

披盡蘭臺萬卷餘長從枝葉得根株題來妙句

皆風雅製就鴻篇是典謨書法渾包義獻體經

箋一洗漢唐儒菁莪自合人才盛五紀文明徧

八區 其七

清時仕路任分鑣黜陟年年總自操四海英賢歸電

照九州人物入鈞陶孤寒

特拔垂新寵閱兼收念舊勞爲是無私均覆冒欣欣

爭戴

帝天高 其八

祥光東壁動昭回

恩詔登龍爲急才

聖壽還頒酺讌洽春風早

賜選場開枝含嘉慶遷鶯度樹號長生集鳳來佇看普

天桃李茂盡培松桂上林栽

其九

鳳樓高敞拂星河魚鑰晨開吐太和歲歲蠲租  
輸賦少心心解網好生多

綸音疊布三春暖膏澤旁流四海波最是堯民饒樂事  
康衢擊壤徧謳歌

其十

梯航萬國獻球琳仗底歡聲動禁林宇內盡應

親化日人間誰不沐甘霖仰瞻

聖德同

天德長喜

天心合

聖心鳥獸蹒蹒如助慶也隨干羽舞春深其十一

吾

皇高厚實難名親炙多年結寸誠觸事徧徵

元后德逢時惟頌泰階平卿雲繞

闕參差見蕤蔎緣階次第生億萬萬年長

御極

九重應即是蓬瀛 其十二





萬壽詩 七言律四首

詹事府少詹事臣梅之珩

洪惟

至治展馨香自有生民仰

聖皇十六字開虞道法五千服闕禹畿疆迪知簡在風  
雲際嘉惠誠和草木芳信是

天心申眷祐永敷淑氣麗春陽

其一

春度瑤樞

玉殿開光騰黃道紫霞堆南山頌進千官繞北極圖  
呈五嶽陪俊傑生儒鳴鶴至期頤父老杖鳩來  
卿雲輟黠連陬壤從此周于千萬回 其二  
嵩陽于役惕心旌到處叢霄列洞筌

紫闕未遑偕獸舞丹臺惟有向葵貞康衢雲擁羣黎  
祝太室風傳

萬歲聲正值中天開

景運泰階悠遠見昇平 其三

簡書馳復近星躔浩浩

洪庥喜自天

玉詔頒恩覃宇宙

瑤函秩禮徧山川黃紃就日瞻重巽萱莖添齡竝九乾

為道義軒誰得似方輿歷服慶綿綿

其四

欽定四庫全書

卷六十九

萬壽詩

七言律十首  
有序

詹事府少詹事

臣王奕清

臣聞王者受天之祐百祿罄宜聖人宰世之符

萬年永慶福壽殫陳於圖範純禧景頌於詩篇  
欽惟

皇上

濬哲凝圖

聖神錫福

首出庶物誕生民未有之姿

表正萬邦攬亘古莫隆之業敬

天而虔齋告明德惟馨法

祖而備纘承憲章是式運精一執中之心學建蕩平會極  
之猷爲文治喬皇旣崇儒而重道武功赫濯遂  
戢矢而櫜弓叙府事於修和

萬幾時勅躋圻封於熙皞億姓咸寧肆宥平刑常敷  
愷惠蠲租賜復大需

寬仁

簡賢能於明試之方弘選造以

特優之典山陬海澨總沐壤膏卉服侏音謐歸馴教允  
矣丕圖無外巍乎

至德難名恭遇三春正永之期韶暉滋茂顙慶  
萬壽無疆之算華甲初周率土騰歡效祝釐於

丹闕殊方集貢肅拜嘏於瑤階臣忝貳詹僚尤蒙

聖澤一門受祿總邀

大造之涵濡廿載簪毫疊被重霄之拔擢謫材侍直瞻奉  
龍章鳳藻之輝陋室編摩與陪虎觀石渠之列

國恩隆厚莫報涓埃

帝祉貞恒並叨覆載不勝鳧躍敬祝

鴻庥固知螽斯測管窺詎罄

高深之量竊附衢謠巷舞謹抒抃禱之誠云爾

軒歷天開甲子長

六旬介獻萬年觴興情祇頌純綏久



聖德深貽寶祚昌  
芝蓋正擎歡繞仗  
瑤雲高擁肅垂裳  
千官祈格占鴻慶  
翹竦三清徹

御香 其一

秩祀

郊壇秉

膚誠受釐總爲福  
蒼生人遊衢壤多  
仁壽

帝錫臺萊永太平  
五日一風十日雨  
三年餘食九年耕

欲徵四海同春象  
華祝幽歌萃紫京  
其二

雖肅儀型本德徽

寢門豫順奉彤闥雕盤饋膳勤三至

鳳輦扶行導六飛慶溢蓬萊登玉笋春先長信拜禕衣

醴泉貢瑞綏桃熟添益

慈寧愛日暉 其三

心源義昊接真傳孔思周情典學虔廣闢四聰  
探邃古直求一畫契先天璿儀浹啟敷經席寶  
笈勤開敞

講筵旃廈從容颺對洽雅詩賡咏福如川 其四

到治雍和八政陳尤將廉法飭臣隣官方大小

精

宸鑒吏績良楷協

帝詢百辟寅恭依有道

九重激勸稟如神韶簫播曼光華旦玉燭常調壽域新

其五

松雲端拱軫黎元引集春臺煦暎溫量地總頒

蠲賦令含生覃沐

賜舖恩祥煙燄黷縈粉社瑞旭舒長匝柳村平糴寬刑

懷

帝力億人喜氣溢衢樽

其六

聖朝文教育菁莪

曠典優開甲乙科桂子春芳增長養杏園秋榜浹搜羅  
祗緣久道薪樵廣更慶弘收俊造多彩鳳聯翩

翔翮羽梧岡第祿邁卷阿

其七

巨川翕叙萬方寧恩信懷柔靖四溟王會極邊  
頒歲朔神州環海入圖經苗頑久格齊編戶羗  
貢常輸集

大廷

勲蹟巍巍辭顯號遠超懿古告云亭

其八

四庫芸編事博蒐校書橐筆擢儒流瀛洲迴出  
三千界藜閣高連十二樓官禮永傳尊雝鼎典  
謨備錄進箕疇

小臣

忝効雕蟲技鎬飲欣霑奉

豫遊其九

叨陪法從侍璇宮世荷生成覆  
疇洪欲頌純庥

颺

聖瑞每慙樸學嗣家風身依

雙闕榮光下

恩浥三天湛露中祇願

玉宸千萬壽歲添蓂莢獻葵衷

其十

萬壽盛典初集卷六十九

欽定四庫全書

萬壽盛典初集卷七十

歌頌十 詞臣二

萬壽頌言

栢梁體一首  
有序

翰林院侍讀學士臣宋衡

臣聞帝運當日中之會三祝載歌皇躬聚天寶之  
庥九如有頌惟五百載之昌期獨盛斯億萬年之  
歷服常新恩與民物同春壽自乾坤不老欽惟我

皇上

瑞毓龍圖

德隆鳳紀

瑶星耀紫微之座六合皆庇榮光

璇宮麗南極之輝九有咸霑福祉

大業共勲華永著

盛德與覆載同流感沐

天恩欣逢



聖誕自五十二年而紀無疆之厯太平之日月愈長由  
甲子一周而綿有道之祥

神聖之春秋正富天人胥慶中外偕歡臣衡南國鄙儒  
西清末品披泥金檢玉之錄摹

巍煥而難名繪歌衢擊壤之聲擬雅頌而未肖爰抽  
蟲篆仰贊

鴻文敢言珥筆之才少效呼

嵩之祝謹拜手稽首而獻詩曰

升騰旭日耀輝光  
蒼龍應候接勾芒  
淑氣和暢  
協履祥巍巍

聖德衍無疆  
壽域弘開振八荒  
欽明文思軼陶唐

聲教光昭四海揚  
敬

天勤民衆所慶登  
三咸五茂胥匡

體乾四德無偏昂  
恩湛春溫膏澤濫  
資生資始萬類昌

統天景運

六龍驤尊親  
山海共梯航  
宜民宜人道  
濟臧美利不言

沐濺汪致悅致養洽陰陽貞元復始大用藏太

和保合蘊難量

尊崇至聖道統彰

特表朱子源流長

恩沛賢裔照宮牆心傳默契歸

聖皇南征滇閩掃欃槍

睿謀方畧靖疆場北討沙漠驅虎狼外寧內安視如傷  
巡省河淮重隄防瓠子無歌陋宣房觀民休助樂熙攘

求寧求瘼靜封章司徒掌教明倫詳三德又用

兼柔剛家喻戶曉

聖訓莊蒸民粒食祈豐穰

躬禱南郊時雨暘普賑黎庶足稻梁蠲賦蠲漕裕倉箱

貢醯寬筴恤羣商減征關權澤汪洋時行解網

德意將春隨

芝詔措桁楊如天好生

恩流滂大法小廉肅官常片長一節容勛勦盈廷師濟

叶笙簧闕門額俊洵無方屢邀

曠典承篚篚連茹彙征盡琳瑯

天章炳煥謨誥颺

宸翰揮掃龍鳳翔

睿研理數測穹蒼

授時厯法開混茫

文治武功輝

巖廊八紘九有治馨香禮樂明備制作煌道一風同

儼義黃羣上

尊號遜未遑蕩蕩難名超百王星雲爛熳覩敷張效珍

川嶽呈玉璜天縱

神聖握乾綱

參贊天地允相當祿位名壽備且康

壽身壽世垂衣裳九如三祝際時芳千條新柳拂鵷行

仙桃萬樹映珠韁金莖承露溢瓊漿琅璫韶護

奏鏗鏘羣工舞蹈珮璫瓊儼北瞻

雲忻躋堂太平久道樂未央  
嵩呼齊獻

萬年觴

欽定四庫全書

卷七十



萬壽頌 有序

翰林院侍講學士臣熊軾

臣聞惟德動天昭受聿邀申命惟仁得壽安敦  
必享大年開萬世之太平乾坤覆載介億齡之  
景福日月升恒欽惟我

皇上

誕縱自天

生知在御

履至尊而家六合

撫時夏而子兆人

本嚴恭寅畏之小心

彰濬哲文明之峻德

北燮南諧東漸西被躋唐虞三代之隆

春生夏長秋收冬藏齊天地四時之量

錫福由於建極敬

天正以勤民南至饗郊欽翼而虔昭事上辛祈穀肅雝以

奉明禋惟每歲之

躬親輒應時而感格占豐瑞雪兆霽霽於先春從律東  
風轉氤氲之淑氣天人相與協應年穀於焉順  
成既克享乎

帝心益重光夫

祖德守成而兼創業道不僅於紹聞承烈斯能顯謨功尤  
高於善述春秋匪懈懷降福之孔皆黍稷惟馨  
企於昭於在上寰宇之歡心允合

庭幃之福履永綏

德劭年高深愛不弛乎孺慕

冬溫夏清幾微無拂於

慈顏廣推恩錫類之弘仁盡愉色婉容之至孝篤行迥超  
乎千古鴻名丕著於兩間

聖武布昭旣安邦而禁暴

皇猷允塞頻奏凱以銘勳蠻貊之苞蘖皆除山無伏莽  
渤澥之鯨鯢盡掃水不揚波法雷電以三犁

親征漠北示風霆於九譯遠懾天西永清日逐之窟巢  
誕受堅昆之琛賁屬蕃效順護近邊者五十家  
異域來王越巨海者四萬里塞外風煙永息域  
中膏雨常流涖淮浦以

六巡奠黃河之九曲湖通洪澤酌資清淪濁之宜堰築  
高家底戢浪安瀾之績轉雲帆於海國儲香稻  
於神倉中外乂安公私充實更恤近畿之沮洳  
俾成沃壤之膏腴疏漳滏之末流河名永定建

陂渠之大利堤屹子牙他若濱湖下濕之區悉  
行蓄閘灌輸之法凡以足民而裕國良由節用  
而愛人

親題耕織之圖丁寧勸誠廣積常平之穀酌劑盈虛水  
旱偶聞遂發倉以平糴軍民既足猶賜復而寬  
逋八方盡蠲惟正之供萬井無復追呼之擾漢  
帝恩霑半稅豈能絜美

皇仁宋祖惠止數州未足同符

聖德嘉禾九穗應協氣而被東阡瑞麥雙岐呈休徵而  
盈北陌念安民莫先察吏惟息事所以寧人慎  
選巨寮每

臨軒而訓飭不遺庶職亦

御宸以咨詢俾大法而小廉務懲貪而獎善刑賞總歸  
忠厚常存欽恤之心赦原一出寬仁徧洽好生  
之德信時平而歲稔且俗易而風移

乙覽從容

萬幾暇豫

講筵經幄肇開初政之時

聖學天文大煥承平之日溯道原於精一接千聖之心  
傳蒐藝苑之菁英鑒百家而

手定校規矩測量之法究極纖毫審中西厯數之衡括  
囊宇宙因心作則

國書衍河洛之精考迹尋微字典發義皇之典觀人  
文以成化賁



皇極之敷言

堯典舜歌渾噩昌明之氣象

禹謨湯誥商皇炳蔚之文章芟月露之浮靡詎止起

衰八代耀斗奎之光彩允堪垂範千秋藝苑餘

閒偶揮毫而染翰

法書擅美洵入聖以超神鳳翥鸞驚璀璨日星之麗

瑤函琬冊昭回雲漢之章值茲

文治之休明自爾儒風之振起尊尼山以師表萬世

躋紫陽以肩隨四科褒崇歷代之名賢爵祿先  
儒之後嗣士林競勸榮路廣開鄉會之額頻增  
文武之科並設榜名

萬壽爭鼓抃於作人歲慶聯登盡縈懷於好爵鴻詞博  
學羣集鳳池賦客詩流同游虎觀作太平之黼  
黻徵至治之光華生徒與朝序均歡士氣共民  
情偕暢化行俗美還熙皞之淳風治定功成臻  
邛隆之上理茲者昭陽獻歲姑洗諧音冀莢紀

時際

六旬之周甲攝提旋柄當三月而建辰鳥嘯鶯歌韶華  
正好塗謳巷舞

慶節常新人間煦煦之風徧吹薄海化國舒長之日正  
耀中天雖保泰持盈屢辭

尊號而鳴謙履盛倍著休光

備聖神文武於一身緝熙純嘏

膺富壽康寧之多福申錫無疆

臣

職在文詞班隨侍

從快春臺之共躋欣

壽域之宏開拜手

堯階願效封人三祝颺言周雅式歌

天子萬年頌曰

惟天覆幬惟地持載惟聖立極居中成位皇矣  
我

皇并包無外軼帝超王覓出百代博厚高明與兩儀配

悠久無疆

德洋恩濊萬國咸寧百福來會蕩蕩巍巍孰名其大  
皇帝敬

天明旦嚴恭肅將

郊祀翼翼

宸衷有誠斯格無感不通雨暘時若年穀屢豐

皇帝法

祖德峻功崇守兼乎創作述無窮文謨武烈炳蔚昭融恢

弘

前緒孝治日隆初討叛臣三逆是滅旋靖邊烽殄厥遺孽  
臺灣逋寇歸我版籍漠北巨憝犁其巢穴赫濯  
天聲焜煌武節凱歌頻奏勲碑高揭海外邊疆莫不震  
疊予兆民安予萬世逸

帝眷東南財賦之區黃淮未乂漕粟安舒

六飛時邁導湖築堤二水歸壑萬艘坦途亦越近畿  
沮洳多淤載疏載堰盡成膏腴南北之水滙歸  
漕渠

指授方畧悉稟

睿謀

涖政惟勤朝乾夕惕日昃不遑幾康是勅

居身惟儉卑宮菲食能節而愛與民休息惟儉惟勤  
惟禹之德臣工式之興廉効職兆民化之風移

俗易返樸還淳曰惟

帝力

帝念農人稼穡艱難

御園豐澤種植時觀倉儲廣設賦稅頻寬猶懷咨儆

暑雨祈寒

特沛弘仁雨潤露溥正供悉蠲民不知官數逾千萬薄  
海騰歡百室盈止九州乂安內謐外寧

萬幾暇豫游心典籍淹該象數櫛彼菁華詎尋章句時  
灑

鴻篇八極精驚帝典王謨周詩漢賦五色卿雲九章韶  
護根抵性命研深旨趣入聖超神千秋獨步崇



儒重道見聖羹牆尼山師表

御墨輝煌發明六經推功紫陽爰躋十哲自廡升堂儒

風丕振

文教聿昌加科廣額澤浹宮牆士林歡躍天路騰驤

榜名

萬壽德造斯長化行俗美功成治定萬類樂生百昌遂  
性協氣旁流符瑞順應宜其優游斂福凝命惟  
帝守謙彌懷執競無逸居心緝熙止敬安益求安

聖不自聖五十二年猶如初政維茲辰月化日曠暝旬

有八日

誕聖昌辰甲子初周

景命長春率土

嵩呼共獻

堯尊願歌周雅保佑天申自今伊始日新又新興天

無極與地無垠億萬斯年長奉

一人

萬壽頌有序

日講官起居注翰林院侍講學士

臣

周起渭

臣聞德業之盛久大協於乾坤弗祿之來升恒  
比於日月蓋仁爲化育生成之體而誠有高厚  
悠遠之徵誠則常存仁者必壽恭惟我

皇上

體天行健

象地安貞

心涵至道之元

身備太和之氣

聰明睿知稟於性者獨隆

精一執中稽於古者有獲

武烈所布橫從前未闢之方隅

文命誕敷播無遠不屈之聲教爲萬國神人所仰作  
之君作之師校千古帝王之中賢於堯賢於舜  
禮明樂備府修事和而猶求衣未明忘餐永晝

豐年屢告而蠲租之令徧於九州刑措已臻而  
好生之心彌勤三宥既富而教首重田功惟誠  
則明益殷民瘼至於渾儀象數之學洞徹星辰  
河圖洛書之微直探義禹點畫昭於雲漢歌詠  
叶於韶鈞麟鳳在郊芝蘭徧野盛世之民淳厚  
化國之日舒長草木愈覺欣榮昆蟲咸得遂性  
往昔鴻名之受尊號之加倘酌古以論今既登  
三而咸五我

皇上有其實而不居其名抑其文而惟崇其質蓋天長  
覆而地長載不自以為功德言盛而禮言恭乃

愈彰其聖祇

無逸以作所益

久道而化成巍巍蕩蕩難名歲歲年年無極

德惟超世斯閱世以常存

道協先天乃後天而不老六十年甲子今歲初周億

萬載遐齡來朝伊始因

上天久久之福祚咸畀吾

皇并斯時蠢蠢之臣民亦登壽域臣謹拜手稽首而為

頌曰

赫矣

寶命集我

聖皇首出庶物奄有萬方武功耆定文治輝光既邁商

周亦超虞唐

神由性生

聖從天賦行健永貞建中垂裕日躋時敏聲律身度

大德昭宣

湛恩布濩萬邦表正萬姓儀型上下咸若覆載清寧  
遐荒受朔重譯來庭無有遠邇盡為藩屏作民  
君師為之父母五十二年化行俗厚士興庠序  
農安隴畝家習禮樂人躋老壽我疆我理維耦  
十千斯倉斯箱戶三百廛既富方穀和樂且安  
皇益軫念夙夜拳拳謀我衣食恤我飢寒我無徭役逸



郊雍雍在

我於田我有租賦豐歲而蠲野無遺才登庸在  
位府罔弗修事罔不治樂職中和休明鼓吹猶  
增制科以省以試相彼英賢益羅而致肅肅在  
以協

皇衷

化洽無外

功高往古宜上

鴻名聖神文武以孚神人以光震宇吾

皇念之虛文勿取聿修厥德益厚而溥用是感召五風

十雨斯民乂安永阜永康

天子萬年祓祿遐昌如日之升如川之長如松栢茂如

陵如岡月屆三春時維

聖節闔闔宏開廣樂肆設慶雲錦舒壽星珠列萬國來

同九有欣悅

天則佑之

皇則受之自

天申命與

天爲期億萬斯年無疆無涯臣自遐陬獲登天祿譬之小

草蔭於喬木際此昌辰敢後嵩祝

洪算靡極嘉頌是陳敬從千官永慶

一人

萬壽盛典初集卷七十

# 欽定四庫全書

史部

萬壽盛典初集卷七十一

詳校官宗人府府丞臣富光鼎

編修臣程嘉謨覆勘

總校官知縣臣楊懋珩

校對官學正臣李巖

謄錄監生臣黃嵩齡

欽定四庫全書

萬壽盛典初集卷七十一

歌頌十一

詞臣二

萬壽詩 七言律八首

右

庶

子

臣

閻錫爵

紫氣東來映彩虹

一人有慶兆民同  
安期火棗堆盤赤  
方朔仙桃滿袖紅

甲子八千惟祝華  
春秋三萬但呼嵩  
普天齊上

岡陵頌總在元和

聖德中 其一

豔陽淑景樂韶光  
五色雲中啟九閭  
燕語鶯啼

三月麗桃紅  
李白滿城香

恩如滄海洪波濶  
春比扶桑旭日長  
身際太平熙皞世

萬年

天子壽無疆 其二

睿藻繽紛見拜颺

萬幾清晏理縹緗  
筆花舞出金鸚鵡  
研匣飛來紫鳳凰  
染翰雲霞真雅頌  
經天日月大文章  
小臣何以酬高厚  
競進三多祝我皇

其三

意在毫端萬象隨  
鸞停鵠峙幾人知  
絳霄盡仰龍蛇筆  
綠字曾傳岫嶺碑  
神妙自能通篆籀  
墨飛今欲識之而  
雲牋歷落揮金管  
卅四驪珠顆顆垂  
其四



光華文治象星躔十斛明珠耀日邊已見金臺  
收駿馬又看瑤島降羣仙秋深桂子常飄殿水  
漲桃花欲上天一立螭頭欣載筆升恒歲獻九  
如篇其五

神武天威奏九韶萬方日月盡光昭雕題鑿齒歸  
王會烏弋黃支拜

聖朝殿上珥貂班定遠帳中執戟霍驃姚春蒐秋獮勤  
宸慮奕禩臣民頌

帝堯 其六

遊豫歌成動四民彩雲長傍

翠華屯頻來補助農夫慶徧采風謠

德化醇河伯波平因效順雨師灑道爲清塵江南江北

霑

恩渥大地長回黍谷春 其七

威鳳祥麟集

禁鑾年年百福滿長安和風甘雨隨金律瑞麥嘉禾

獻玉盤鎬飲已逾千歲樂幽詩還奏萬年懽  
知

聖壽同天地爲奉春尊北海寬 其八

萬壽詩

七言律四首  
有序

翰林院侍讀臣樊澤達

臣聞日在天中綿億萬年之景運風行地上聳  
千百國之皇輿華渚祥鍾天開太昊瑤光瑞啟  
帝奮高陽況乎擊壤興歌來歡聲於函夏躋堂  
稱祝靄佳氣於長春

至聖足以有臨

大德必得其壽欽惟我

皇上

心符五帝

治邁三王

績奏平地以成天威熙紀慶

功昭泥金而檢玉大有書年

沛古今難邁之

殊恩

勤宵旰不遑之

盛軌

誕敷文德光華瞻出日之鄉

載績武功赫濯被無雷之國仰琳瑯之

御製真符二典三謨揮絢爛之

天章盡是銀鈎鐵畫

聖業已躋於廣大

皇圖益進於高深

宥過蠲租甘雨祥雲竝布

掄才課吏景星化日齊輝七政肇修百神效順茲屆

三春

令節恭逢

萬壽昌辰鶴舞

仙階

兩掖香飄劍珮鳳鳴

禁苑

九重彩映旌旗賀

有道之鴻基卜昇平於奕葉

臣才慚珥筆職忝垂紳

謬校

王署之編幸與華封之祝

天長地久步寮采以賡歌

日升月恒偕野民而獻曝敬擬豐年長庚之韻聊抒  
鳧趨雀躍之忱恭竭禱辭伏祈

聖鑒

太平春暖景方東玉燭元調歲屢豐萬葉



欽定四庫全書

卷七十一

堯冥周大甲四乘

禹跡奠高嵩聲名早被遐陬外溫肅齊施丕冒中自

是

聖功綿歷服不須問道訪崆峒其一

閭苑蓬壺到列仙蟠桃火棗萬斯年曈曨曉氣

開

宮殿蕩漾薰風入管絃宸宇竝攄三祝願盈廷共進

九如篇春和布惠

新恩渥

雨露沾濡徧八埏 其二

六龍時御正當陽四海波恬泰道長巢鳳遊麟爭薦瑞  
洛書河馬再呈祥

天家帶礪朝羣后下國共球集萬方五色雲深南極燦  
一人介福慶無疆 其三

紫陌新煙報曉晴

禁林高柳囀倉庚

化行品物咸增慶

德洽羣黎悉遂生

萬歲聲呼喬嶽壯千年韻叶大河清  
康衢童叟何知識

歌咏

長春樂太平 其四

萬壽詩

五言律十二首  
有序

翰林院侍讀

臣

樊澤達

臣聞天皇御極支干綿衍於萬年夏后承庥玉  
帛會同夫萬國盛德必膺純佑福集長春至仁  
爰享大年祥開復旦欽惟我

皇上

體天廣運

配地安貞

四表被光勵精加進於初政  
九圍式命懷保不遺乎一民

聖德與

聖學齊徽

聖謨偕

聖猷竝大

齋居肅穆儼

天

祖之式臨

惠布汪洋統臣民於在宥

允文允武弘致治保邦之模

克寬克仁廣蠲租恤刑之澤

翠華望幸南朔東西欽

天子之聲名

玉燭調和天地民物得

至人而位育

金  
卷七  
竝三皇軼五帝參贊成能

斂五福祝九如尊親共戴時當

有道運叶

太平

天其申命用休

帝益自強不息

六旬大慶璿玉常新三月芳辰鶯花最麗風和西苑化

國之日舒長曲奏南薰治世之音安樂

臣澤達

叨榮史職久點班聯謬晉官階難酬

高厚楊厲無前之

駿烈竊効管窺賡颺有秩之

鴻禧聊同壤擊

臣

無任懼忤悚切之至

極拱星環北春長日麗冬

堯莫周甲子

禹甸屹衡嵩卜運方臨泰書年正履豐一元欣復始

謳祝萬方同

其一



景物三春盛芳華

上苑穠九區皆壽國八表盡華封

令節星辰燦

高天雨露濃細霑草木生植慶遭逢

其二

宵旰勞

宸扆沈思總萬幾從容攄

大畧赫濯奮

皇威海晏鯨鯢息河清秔稻肥治安圖未雨時駕

六龍飛 其三

丹鳳傳

天語紅雲擁

帝居

絲綸聲是律

渙汗德爲輿

寶訓千秋鑑  
瑶編右史書  
煌煌

堯舜典渾噩  
溯皇初 其四

景命祈

天永親郊仰

睿謨風雲依後乘  
星月照前驅

合德三才竝

升中一氣孚  
慣看霏瑞雪  
臣庶足歡呼  
其五

列祖垂模遠  
前徽事可稽

三朝貽寶錄  
萬載耀金泥

道協乾坤正

功高作述齊丕承逾武烈徧德在羣黎其六

大統

皇輿廓平成定八荒圖陳河効順車出器呈祥莽息金

無伏波恬久不揚

天休正滋至拜手賀蕃昌其七

高柳囀倉庚青郊百室盈

聖朝嚴課績吏治急楊清牧笛聞漁艇農歌荅杼聲秀

睂諸父老扶杖樂觀成其八

德茂羣生育年豐萬國寧條柔歸禹貢儀舞樂

虞廷嘉種羅千品青郊出五靈史書符瑞志奇異表

山經 其九

仁體同山靜堅強

聖壽徵仙峯環拱護天柱矗峻嶒景仰歌單厚攀躋想

誕登歸然千萬載時覩五雲興 其十

純禧江共永

嘉祉海同深運轉周天壤流行自古今大亨君子道

不息

聖人心四極安瀾會河宗日獻琛

其十一

日麗千官就雲高九服瞻梯航盡山海淪洽及  
飛潛周祐年斯萬箕疇福自兼

恩波原溥博先許近臣霑

其十二

欽定四庫全書

卷七十一

萬年頌表

提督江南學政左春坊左庶子兼翰林院侍讀

臣

胡潤

伏以

皇極永建斂五福於乾坤

帝德難名集三多於朝野太平有象正逢開世之期喜

氣騰輝共慶儲祥之會普天壽域徧地春臺

臣

竊聞至仁必壽惟德動天有道稱皇三皇各萬

八千歲無爲曰帝五帝總千有餘年商宗無逸



以勤民竝臻上壽周文惟純以配命用享遐齡  
有永慎修非關導引以知無疆之慶皆歸不息  
之誠欽惟

皇帝陛下

道高堯舜

功邁禹湯

神聖文武之光旁照四表

位祿名壽之福永極萬年錫智亶聰早縱前民之哲

橫經稽古久勤訪道之心知人安民不待臯賜  
益贊怡神彌性莫非孔思周情惟體立而用自  
行斯理精而事畢貫問安

長樂則慶溢璇宮睦族內朝則祥延玉葉仁心廣被一  
民亦荷衿全和氣充盈庶彙胥歸涵煦自削平  
滇粵而率土稱藩暨拓地澎湖而尺天入貢乃  
至風行地上服歷朝所不臣瀾息河源安前古  
所易潰勤一心於兆庶蠲租宥青之屢加明四

目於萬方督撫守令之慎簡出膺宰牧先

召對於九重盡得人才更責成於六計重膠庠而三倉  
四庫之竝訂必探其源飭營伍而五伐七步之  
無譁益修其備固已爭槁雲漢各布風霆更且  
益植菁莪廣培杞梓茲者陽和令節值我

皇上六十萬壽之辰一氣洪鈞四時玉燭天人合慶恭  
逢周甲方新卿景揚光敬值遐齡伊始屢却榮  
號不貴嘉祥陳粟萬箱即是芝明三秀英才百

輩便同桃熟千年

特開鄉會兩科以廣作人雅化蛟騰鳳起悉收川嶽之  
祥車庶馬閑盡入鞭馳之手臣幸際休明忝承  
簡任望

北闕以瞻雲未盡拜颺之忱合南國以歌衢用採士  
民之祝維大江南北旣新蠲億萬之征輸而癸  
巳春秋復廣闢文武之榜額淪肌浹髓喜溢扶  
輿擢秀登良歡騰膠序臣敬從錄科之餘於校

試經藝外即以

萬年頌命題令諸生各撰成篇以誌頌禱恭錄賦頌而  
下得詩數百篇加以裝潢分爲三十卷敢云十  
五國風足備軒輶之採尚期億萬千載同茲愛  
戴之誠臣無任瞻

天仰

聖踴躍歡忭之至謹奉

表稱

賀以

聞

欽定四庫全書

卷七十一

萬壽詩

七言律十章  
有序

日講官起居注翰林院侍講

臣

文志鯨

帝王體天立極淳懿敦固上光日月星辰下逮  
昆蟲草木太和薰蒸洋溢宇宙俾天下民物蕃  
祉仁壽享有諸福與天同德斯與天齊壽堯舜  
禹湯文武其明徵也我

皇上以生知安行之聖體至誠無息之德

臨御五十二年屆茲



六旬萬壽懋德勤學治定功成際天蟠地咸五登三四  
方萬國熙熙皞皞福壽康寧之休萃於

聖躬尤兼被於天下乃

宸衷謙抑讓善弗居凡侈言祥瑞崇尚尊號皆所不事

惟

訓誡臣民務實不務名勉盡忠孝爲祈天永命之基大  
哉

王言真與二典三謨竝垂萬世在昔箕子之陳洪範也

曰五皇極皇建其有極斂時五福言皇以極而  
獲福也曰維時厥庶民於汝極錫汝保極言民  
以極而獲福也曰人之有能有爲使羞其行而  
邦其昌言臣以極而獲福也所謂極者惟是蕩  
平正直之理無偏陂好惡之私而遂以收福壽  
康寧之效

皇上以務實訓天下而敦本忠孝所謂率天下於蕩平  
正直而必去其偏陂好惡者也易之大有上九

自天祐之吉無不利其謂是矣德與天合斯

壽與天齊億萬斯年固愈引而愈長也

臣

楚南豎儒受

恩深重不揣固陋謹抒七律十章呈

進

巍巍

帝德本難窺古聖心傳續在茲早與苞符成默契尤將

聖道共昭垂倫常樹範臣民仰軌物彰身海宇

知端拱衣裳聲教遠正看風動四方時

其一

紅燭宵分映紫微圖書左右有光輝六經異授  
端宗尚諸子爭鳴定指歸旭日常臨香篆繞宮  
花好共墨光飛羣瞻泰岱卑培塿

聖域高深自古稀

其二

化啟文明咏載繁萬幾宵旰總勤勞

主恩早達殊方外民隱能通

九陛高十雨五風調玉燭河清海晏莫金鰲寰區愷

樂齊歡忭尚繪豳風念索綯

其三

龍飛九五正當陽海國朝宗祝

聖皇六十方周清晝永八千爲歲大椿長風和日麗天

垂象澤媚山輝物吐芳試看衢尊人共樂重登

醇樸入羲皇

其四

久隱川巖未上書科加文武舉行初飛鴻盡振

天衢羽勸駕還隨計吏車束帛已來環海士弓

旌重到野人居菁莪造就賢才盛共戴

皇恩頌九如

其五

山陬詰曲水潺湲白叟黃童徧頌言鑿井耕田  
安草野春風社酒樂花邨連枝桑柘人煙盛一  
室妻孥笑語溫帝力不知同覆載齊呼

萬歲九陔喧

其六

深仁厚澤靄如春草木禽魚長養勻動植舒和  
皆各得飛潛茂對總無垠丹山碧水饒滋孕淑  
氣晴光適性真咸若功施彌上下肖翹微細荷

陶甄

其七

遠覽高超獨異前

聖君舉動美瑤編九莖芝草非關瑞六穗嘉禾樂有年

咫尺星雲輝

殿陛尋常麟鳳徧山川臣工未敢陳奇異渾樸

王風萬古傳

其八

健行不息與天同日進無疆靡有窮不以豐亨

侈滿假惟將謙抑秉虛冲德臻太上難言德功

極洪鈞弗自功

尊號請加頻遜謝蒼茫海岳仰

皇風

其九

皇極爲昭行禹疇臣民五福在純修蕩平曩日  
垂弘訓忠孝於今秩大猷風俗勿爲澆薄易文

章務俾渾淪留煌煌

寶誥惟崇實舜日堯年億萬秋

其十



萬壽盛典初集卷七十一